

晴

川

蟹

錄

晴川蟹錄卷之三

仁和孫之駮

文錄

蟹志

陸龜蒙

蟹水族之微者其爲蟲也有籍見於禮經載於國語
楊雄太玄辭晉春秋勸學等篇考於易象爲介類與
龜鼈剛其外者皆乾之屬也周公所謂旁行者歟叅
於藥錄食蔬蔓延乎小說其智則未聞也唯左氏紀
其爲災子雲譏其躁以爲郭索後蚓而已蟹始窟穴
於沮洳中秋冬交必大出江東人云稻之登也率執

一穗以朝其魁然後從其所之蚤夜感沸指江而奔
漁者緯簫承其流而障之曰蟹斷鍛斷短其江之道
焉爾然後奔紛越軼遯而去者十六七既入於江則
形質濳大於舊自江復趨於海如江之狀漁者又斷
而求之其越軼遯去者又加多焉既入於海形質益
大海人亦異其稱謂矣嗚呼穗而朝其魁不近於義
邪捨沮洳之江海自微而務著不近於智邪今之學
者始得百家小說而不知孟軻荀楊之道或知之又
不汲汲於聖人之言求大中之要何也百家小說沮
洳也孟軻荀楊聖人之瀆也六籍者聖人之海也苟

不能捨沮洳而求瀆以至於海是人之智反出水蟲
下能不悲夫吾是以志其蟹

蟹序

傅肱

蟹之爲物雖非登俎之貴然見於經引於傳著於子
史志於隱逸歌詠於詩人雜出於小說皆有意謂焉
故因益以今之所見聞次而譜之自總論而列爲上
下二篇又叙其後聊亦以補博覽者所闕也

總論

蟹水蟲也其字從蟲

盱鬼反

亦曰魚屬故古文從魚作

蟹以其外骨則曰介蟲取其橫行目爲螃蟹焉骨眼

蜎腹蛭腦蠱足其爪類拳丁其聲類執鉞匡跪又皆

外刺性復多躁或編諸繩縷或投諸笈簪則引聲喚

沫必死方已類皆鱗育生於濟鄆者其色紺紫出於

江淞者其色青白

此舉其所育多者爾凡有水之地不無此味

小者謂之

蠶蛆中者謂之蟹匡長而銳者謂之蟹音截甚大者謂

之蚌蚌雖皆有佳味獨蚌參於燕諭耳明越谿澗石

穴中亦出小蚌其色赤而堅俗呼爲石蚌與生伊洛

者無異脣圓多腴而奪之聲臍長多瘡而與之蝦其

生於盛夏者無遺穗以自充俗呼爲蘆根蚌

謂其止食菱蘆

根瘡小而味腥至八月則蛻形已蛻而形浸大秋冬

之交稻梁已足名腹芒走江俗呼爲樂蟬最號肥美
由江而納其芒於海中之鬼遇冰雪則自伏淤澁不
可得矣今人設陷具以案酒者此特爲之先置焉江
淮間尙推重如此况非所育之地乎何曾食疏弘君
食橄虞棕飲食
亦未必不珍此味也虞棕南史
有傳但名存而書亡此爲恨耳

曰蠶蛆者二月三月之盛出於海塗吳俗尤所嗜尙
歲或不至則指目禁烟謂非佳節也今之通泰其類
實繁然有同蠶蠅差大而毛好耕穴田畝中謂之蚘
蚘毒不可食晉蔡道明誤食之幾死尤宜慎辨也又
多生於陂塘溝港穢雜之地往往因雨則瀕海之家

列陣而上填砌緣屋雖驅拂之不去也噫蟹雖微類
至於腹芒以朝其魁其得自然之理歟嗜欲已足捨
陂港而之江海其得自然之智歟雖外剛躁而內無
他腸其得自然之正歟豈獨以其滋味饜世人之口
腹哉

解圖十二種論

文登呂亢多識草木蟲魚守官台州臨海命工作解
圖凡十二種一曰螭蚌乃蟹之巨者兩螯大而細
毛如苔八足亦皆有微毛二曰撥棹子狀如螭蚌螯
足無毛後兩小足薄而微濶類人之所食者然亦頗

異其大如升南人皆呼爲蟬八月間盛出人採之與人鬪其螯甚巨往往能害人三日擁劒狀如螭而色黃其一螯偏長三寸餘有光四曰螞蟥螯微毛足無毛以鹽藏而貨於市爾雅曰螞蟥小者螞云小蟹也

蟥

音

吳人呼爲螞蟥

音

搜神記言此物嘗通人夢

自稱長卿今臨海人多以長卿呼之

五曰竭朴大於

螞蟥殼黑斑有文章螯正赤嘗以大螯障目小螯取

食六曰沙狗似螞蟥壤沙爲穴見人則走屈折易道

不可得七曰望

一作招

潮殼白色居則背坎外向潮欲

來皆出坎舉螯如望不失常期八曰倚望亦大如螞

蝟居常東西顧睨行不四五又舉兩螯以足起望惟入穴乃止九曰石蝟大於常蟹八足殼通赤狀若鵝卵十曰蜂江如蟹兩螯足極小堅如石不可食十一曰蘆虎似螻蛄正赤不可食十二曰螻蛄大於蝟小於常蟹呂君云此皆常所見者北人罕見故繪以爲圖又南商言海中龜鼈島之東一島多螻蛄種類甚異有虎頭者有翅能飛者有能捕魚者有殼大兼尺者以非親見故不畫李履中得其一本爲作記予家楚宦遊二浙聞廣所識螻蛄多矣亦不悉與前說同而所謂黃甲白蟹螻蛄諸種呂圖不載豈名謂或殊乎

故紀其詳以示博雅者

格物總論 合璧事類

蟹八足二螯大者箱角兩出足節屈曲行則旁橫今
淮海京東河北陂澤多有之雄曰狼螳雌曰博帶取
無時獨螯獨目及兩目相向者不可食然其族類最
多六足者名蜚音四足者名北皆有大毒濶殼而多
黃者名蟻其螯最銳斷物如芟刈焉扁而最大後足
濶者爲蝤蛄一名蝤嶺南人謂之撥棹子以後脚形
如棹也隨潮退殼一退一長其大者如升小者如盞
椽兩螯無毛所以異於蟹其力至強一螯大一螯小

者名擁劔又名桀步常以大螯鬪小螯食物一名執
火以其螯赤故也其最小者名螞蟴吳人語訛爲螞
蟴爾雅云蝸蟴小者螞郭璞云卽螞蟴也似螞而小
螞蟴亦其類也食之誤人矣螿大者如扇牡牝相隨
牝無目得牡而行牡去牝死以骨及尾尾長二尺生
南海

大蟹贊

揚慎

女丑大蟹其廣千里舉螯爲山身故在水海陽專車
曷云其比

彭蠡

爾雅彭蠡玄經郭索均爲蟹謚蝟訛以越梁王醯化
茲乃臆說

沙狗

蟹有沙狗亦似彭蠡穿沙爲穴見人則螯曲徑易道
了不可得

擁劍

蟹有擁劍一螯偏大隨潮退殼隨退復裏力能鬪虎
利甚戟剗

招潮

蟹有招潮遊月而翹背向不失與潮相招巽物有知

云誰之教

倚望

蟹有倚望常起顧晚東西其形兩翹八肢望常如此
八穴乃止

石翹 蜂汪 蘆虎

蟹有石翹蜂江蘆虎石殼鐵卵不中鼎俎好事取之
充畫圖譜

蜂江又作蜂
江又作蜂
江又作蜂

海鏡

海鏡殼圓中甚瑩膩腹有小鱗朝出暮至或生剖之
蟹子跂跂逸巡亦斃

海鏡蟹爲腹水母蝦爲目虛有咸受羨補不足人固有之無惑乎物

醉蟹贊

張九嶠

世人皆醉而我獨醒者靈均也世人皆醒而我獨醉者伯倫也不肯以我之察察而受物之汶汶棄世者也甘我之沉沉而任物之皎皎溷世者也以汝之醉蘓我之醒以其昏昏使人昭昭再飲再醉舉杯持螯是謂醉蟹解我宿醪

子蟹解

蟹何多名也爲彭蜺爲彭蠡爲彭越爲招潮爲郭索

爲博帶爲傑步爲狼蝥蟹何多名也鱸魚紫蟹予江南爲勝謂殼上斑點者是蕪長公最嗜蟹有詩曰半殼含黃須點酒兩螯宜紫勸加飧但汝爲無腸公子今何又爲多子夫人夫人之于汝子也何不視之爲鴟鳩又何忍視之爲螟蠹也言下有一轉語曰應作不喫法

英國公制

毛勝

令多黃尉權行尺一令南寵截然居海天付巨材宜授黃城監遠珍侯復以爾專盤處士甲藏用素稱蠟副衆許蠻師宜授英國公圓珍巨美功臣復以爾甘

黃州甲杖大使咸宜作解蘊中足材腴妙螯德充盈
宜授糟丘常侍兼美復以爾解微子形質肖祖風味
專門咀嚼謾陳當真下列宜授爾郎黃少相一南龍

二

甲藏用乃蟾蚌

三解蘊中乃蟹

雜說

蘊東坡

四解微子乃彭越

惠州市井寥落然猶日殺一羊不敢與仕者爭買時
囑屠者買其脊骨耳骨間亦有微肉熟煮熱漉出漬
酒中點薄鹽炙微燠食之終日抉剔得銖兩於肯綮
之間意甚喜之如食蟹螯率數日輒一食甚覺有補
子由三年食堂庖所食芻豢沒齒而不得骨豈復知

此味乎戲書此紙遺之雖戲語實可施用也然此說行則衆狗不悅矣

閩越人高荔子而下龍眼吾爲評之荔子如食蝟蟬

大蟹斫雪

陸放翁詩斫雪雙螯洗手供又析雪蟹雙螯本此

流膏一噉可飽

龍眼如食彭越石蟹嚼久之了無所得然酒闌口爽饜飽之餘則啞噉之味石蟹有時勝蝟蟬也戲書此紙爲飲流一笑

吾久戒殺到惠州忽破戒數食蛤蟹自今日懺悔復修前戒

蟹說

晴川

蟹自十八以後月黑乘暗出而取食則肥至月明時不敢出則瘠夫舍皎月之光投昏黑之夜以自肥其軀其竊食與然漁人捕蟹率執火以前蟹見火咸附光至至就繫焉符子曰不安其昧而樂其明是猶文蛾去暗越燈而死遷之上九肥遷無不利言君子幽居遷世不繫卽肥也天下賢愚貿貿然不能離俗以保名但知趨仕而光榮一旦就繫漁人不如昔日江湖之樂余觀是蟹也入深泉以好遷兮固將重昏而終身

老饕賦 東坡

庖丁鼓刀易牙烹熬水欲新而釜欲潔火惡陳而薪惡勞九蒸暴而日燥百上下而湯鑿嘗頂上之一巒

嚼霜前之兩螯

放翁詩今朝有奇事江浦得霜螯

爛櫻珠之煎密滷

杏酪之蒸羔蛤半熟而含酒蟹微生而帶糟葢聚物之大美以養吾之老饕婉彼姬姜顏如李桃彈湘妃之玉瑟鼓帝子之雲璈命僊山之萼綠華舞古曲之麟輪袍引南海之玻璃酌涼州之蒲萄願先生之萬壽分餘瀝於兩髦候紅潮於玉頰驚暖一作響於檀槽忽鼎珠之妙唱抽獨鬣之長綵閔手倦而少休疑吻燥而當膏倒一缸之雪乳列百拖之瓊艘各眼灑

於秋水咸骨醉於春醪美人告去矣而雲散先生方
兀然而禪逃響松風於蟹眼浮雪花於兔毫先生一
笑而起渺海濶而天高

糟蟹賦 楊廷秀

江西趙子直餉糟蟹風味絕勝作此以謝之
楊子疇昔之夜夢有異物入我茅屋其背規而黝其
臍小而白以爲龜又無尾以爲蚌又有足八趾而隻
形端立而旁行唾雜下以成珠臂雙怒而成兵寤而
驚焉曰是何祥也名巫咸卦之遇坤之解曰黃中通
理彼其韞者歟雷雨作解彼其名者歟羨海若之黔

首馮夷之黃丁者歟今日之獲不羽不鱗奏刀而玉
明披腹而金生使管槽丘義不獨醒是能納夫子於
醉鄉能脫夫子於愁城夫子能親釋其堂阜之縛俎
豆於儀狄之朋乎言未既有自豫章來者部署其徒
趨蹌而至矣竭入視之郭其姓索其字也楊子迎勞
之曰汝二淪之裔耶九江之系耶松江震澤之珍異
海門西湖之風味汝故無恙耶小之爲彭越之族大
之爲子牟之類尙與汝相忘於江湖之上耶於是延
以上客酌以大白曰微吾天止之故人誰遣汝慰吾
之岑寂客復酌我我復酌客忽乎天高地下之不知

又焉知二豪之在側

後蟹賦

昔子直漕江西餉予槽蟹子爲賦之江西蔡
師定夫復餉生蟹風味十倍曹丕再爲之賦
司徒道明來自洛師至止江湄逢一湖海之僊貌肖
乎晉時之解揚而其怒有赫骨像乎漢之彭越而其
閔中規獨愛其二執戈者前矣視其趾二四而有跡
意以爲吳中介士郭先生也不知其姓則彭其字則
螟也亟携其手而上曰吾自渡江以來取友不少矣
如孔之金如王之瓊吾皆得而友朋如魏之玉如庾

之穀吾皆得而歛曲夫子安在何相見之暮而不夙也於是齒牙嗜焉胸懷寄焉與之一飲一食而同醉焉夜半客起若有所刺者司徒腹心岑岑若有所崇諸詰朝下逐客之令屏之陽侯之遐裔焉侘日以天子之命作物於豫章幕府初開延見俊良望見一客又似乎彭越與解揚命典謁者曰是嘗崇我而幾我傷者矣予不汝殺世無黃祖其生致之於遡江而上之楊乎楊子方晚飲聞其至揖而進之曰吾有二友惟彼趙生與爾索郭老夫與之同死生不減顏氏子之樂彼也日從予遊爾也久予云邈何相忘江湖莫

我肯顧也何使清風明月必思元度也爾之德吾能
言之洗手奉職德之上也就湯割烹德之次也舖靈
均之糟臥吏部之甕德斯爲下矣客於是涕唾流沫
圍視而聲謝曰士固有以厲亂真以遠間親聖而受
圜肖乎形也孝而投杼同乎名也僕之主公昔以彭
爲郭今以郭爲彭不遇蔡司徒幸遇楊子雲願借先
生蒼頡之篇與太玄後蚓之文詳注爾雅彭郭之異
族庶解嘲於司徒之門

蟹賦

尤侗

水晶之官介鱗之蟲三百六十長者龜龍乃生庶族

紛紜彳亍何物螃蟹二螯八足先虛後實坎月之象
外剛內柔離火之狀潮來汐往往屈來伸蓋取諸解
解甲之徵若夫新穀既升芒負在體朝于王所有似
乎禮越陌度阡獲稗歛穉遷歸江河有似乎智進銳
退速屈曲逡巡中無他腸有似乎仁執冰而踞擁劍
而動氣矜之隆有似乎勇蟹之時用大矣哉然吾未
暇爲公子作頌也爾乃秋風白露野有稻梁漁舟晚
出緯蕭斯張有物郭索聚族踉蹌狼蝱前驅博帶後
行術非游說跡類連橫身披介冑口含雌黃精神滿
腹脂膏盈匡亂流而濟觸藩而僵一朝獲十獻我公

堂老饗見之驚竒欲狂亟命厨娘熟而先嘗飲或乞
醢食不徹薑拍以畢卓之酒和以何胤之糖美似玉
珧之柱鮮如牡蠣之房脆比西施之乳肥勝右軍之
肪子公覩而指動何曾嚼而箸忙沈昭畧之蛤蜊且
置張季鷹之鱸膾若忘對茱萸之弄色把橘柚之浮
香飽金羹與玉齏醉百斛兮千觴別有織種名爲彭
越豈其梁王烹醢不絕一字長卿見夢王吉兆爲文
章橫行無敵文君愛護低眉不食視撥棹與蝓蚌同
附庸之小國何司徒之鹵莽讀爾雅而不識昔人有
言疾病發猶有時螭螭過却便沒背秋涉冬索之不

斯川名錄卷之三
三
得乃製憲章鹽酸苾鬱調以椒蘭漬以米汁請公入
甕一醉千日歲云暮矣婦子入室有客至止杯盤狼
藉請嘗試之風味猶昔信乎一蟹不如一蟹雖有揚
雄鄧艾當此不能禁其口吃也

日蟹傳

晴川

昔黃帝之王天下也有蚩尤兄弟八十一人並獸身
人語銅頭鐵額不食五穀啗沙吞石造立兵仗刀戟
威振天下黃帝以仁義不能禁止時帝元妃螺祖方
產日蟹死於道帝祭之以爲祖神令次妃嫫母育日
蟹於崑崙宮赤水北日蟹生不乳食嫫母飼以玉山

之禾比長骨眼蝟腹蝱腦鬣足二手八臂利鉗而尖
爪背負十二星文爲人性躁外剛絕有力喜戰鬥八
月遊東海上遇巨虎焉手與之搏虎不勝遂磔殺之
嫫母喜曰帝以仁義爲天子不能伏蚩尤今子以武
見國有豸乎帝乃仰天而歎天遣玄女下授日蟹兵
信神符又於東海流波山得奇獸狀如牛蒼身無角
一足能出入水吐水則生風雨目光如日月其音如
雷名曰夔牛帝令日蟹殺牛以皮冒鼓塹以雷獸之
骨聲聞五百里遂斬蚩尤其血化爲鹵今之解池也
後黃帝僊去羣臣後官從龍髯上者七千餘人日蟹

遂歸於巨蟹宮云今道家稱軒轅星其神畫爲蟹是也日蟹之子曰飛蟹能上天下地出入水府常舉一螯加於崑崙山身故在北海中飛蟹之子曰大蟹爲姑射王身廣千里死葬女丑之野是爲留骨之邦周成王時海陽人竊其骨來獻其跪專車焉爾後世次不傳春秋時有擁劍氏仕吳生而武猛左臂短能執大鉞右臂長丈餘善擊劍吳人稱爲橫行介士黃池之會吳王服兵擐甲建旗提鼓十行一嬖大夫十旌一將軍惟擁劍氏赤常赤旗丹甲朱羽望之如火三軍皆譁鉞以振旅聲動天地晉師大駭不敢出而天

禍吳國大荒薦饑市無赤米蟹氏宗族移就蒲葦於
東海之濱皆餓死無遺種吳亡擁劔氏死其子桀步
歸於越王鈴下至漢時則有郭氏郭索彭氏彭越越
王梁都定陶漢祖忌功誅之盛其醜以徧賜諸侯越
子彭蠡能文章懼誅逃成都自稱長卿別族爲司馬
氏

太史公曰世稱螺祖感日之精而孕蟹生遂指日爲
姓蟹則其名也黃帝用蟹以定天下蟹之子孫一用
於吳而吳亡不旋踵嗚呼彼以武興此以武亡佳兵
固不祥與無仁義以爲之先聲也彭蠡以劔立南面

稱孤卒見疑强大身就菹臨蟹氏之滅亡也悲夫

晴川蟹錄卷之三

晴川蟹錄卷之四

仁和孫之騷

一字晴川輯

詩錄

易林

渡河踰水狐濡其尾不爲禍憂捕魚遇蟹利得無幾

螃蟹

朱貞白

蛇眼龜形脚似蛛未曾正面向人趨如今尙在盤筵
上得到江湖亂走無

病中有人惠海蟹轉寄魯望

皮日休

紺甲青筐染落衣島夷初寄北人時離居定有石帆

覺失伴唯應海月知
族類分明連瑣珞
形容好箇似
蜉蝣病中無用雙螯處
寄與夫君左手持

謝襲美見寄海蟹

陸龜蒙

藥盃應阻蟹螯香
却乞江邊採捕郎
自是揚雄知郭索
且非何遜敢餽餽
骨清猶似含春藹
沫白還疑帶海霜
強作南朝風雅客
夜來偷醉早梅傍

貽張旭

李頎

張公性嗜酒
豁達無所營
皓首窮草隸
時稱太湖精
露頂據胡床
長叫三五聲
興來洒素壁
揮筆如流星
下舍風蕭條
寒草滿戶庭
問家何所有
生事如浮萍

左手持蟹螯右手執丹經
瞪目視霄漢不知醉與醒
諸賓且方坐旭日臨東城
荷葉裏江魚白甌貯香粳
微祿心不泄放神於八紘
時人不識者卽是安期生

送鄞宰王殿丞

梅堯臣

君行問埼結殊物可講解
一寸明月腹中有小碧蟹
生意各蠕蠕黔角容支支
願言寬賦刑越俗久疲憊

釣蟹

老蟹飽經霜紫螯青石殼肥
大窟深淵曷虞遭食沫
香餌與長絲下沉寧自覺
未免利者求潛潭不爲邈
二月七日吳正仲遺活蟹

年年收稻賣江蟹二月得從何處來
滿腹紅膏肥似髓貯盤青殼大于杯
定知有口能噓沫休信無心便畏雷
幸與陸機還往熟每分吳味不嫌猜

依韻和原甫廳壁錢諫議畫蟹

諫議吳王孫特畫水物具至今圖寫名不滅
南朝顧濃淡一以墨罄殼自有度意將輕
蔡謨殆被蚘螟誤謝何十三送蟹

黃魯直

形模雖入嬾女笑風味可解壯士顏
寒蒲束縛十六輩已覺酒思生江山

次韻師厚食蟹

海饌糖鱗肥江醪白蟻醇每恨腹未厭誇談口生津
三歲在河外霜臍常食新朝泥看郭索暮鼎調酸辛
趨蹌雖入笑風味極可人憶觀淮南夜火攻不及晨
橫行葭葦中不自貴其身誰憐一網盡大去河北民
鼎司費萬錢玉食羅常珍吾評揚州貢此物真絕倫
又借答送蟹韻

草泥本自行郭索玉人爲開桃李顏恐似曹瞞說雞
肋不比東阿舉肉山

曹植封東阿王與吳季重書願舉大山以爲肉傾東海以爲酒

代二螯解嘲

僊儒昔日卷龜殼蛤蜊自可洗愁顏不比二螯風味

好那堪把酒對南山

又借前韻見志

招潮瘦惡無末味海鏡纖毫只強顏想見霜臍當大
嚼夢回雪口口圍山

末句謂黔南雪中睡起時嘗作雙螯之想如昔人思葦鱸也

秋冬之間鄂渚絕市無蟹今日偶得數枚吐沫
相濡乃可憫笑戲成小詩

怒目橫行與虎爭寒沙奔火禍胎成雖爲天上三辰
次未免人間五鼎烹

又

勃窣嬰跚蒸涉波草泥出沒尙橫戈也知殼棘元無

罪奈此尊前風味何

又

解縛華堂一座傾，忍堪支解見薑橙。
東歸却爲鱸魚膾，未敢知言許季鷹。

次吳正仲謝寄蟹

王安石

越客上荆舫，秋風憶把螯。
故煩分巨跪，持用佐清漕。
飲量寬滄海，詩鋒捷孟勞。
甘餐飽腸詠，餘事付釣陶。

九月八日渡淮

李綱

蟹螯菊蘂風味道，且須爲盡黃金舟。
世間種種如夢電，此物能消萬古愁。

仲秋書事

陸游

秋風社散日平西，餘胙殘壺手自提。
賜食敢思烹細項，家庖仍禁擘團臍。
筓爲儀曹郎兼領膳部每蒙賜食與王公畧等食品中有羊細項甚珍予近以惡殺不食蟹

秋日村舍

川雲慘慘欲成雨，宿麥蒼蒼初覆土。
芋肥一本可專車，蟹壯兩螯能敵虎。

糟蟹

舊交髯簿久相忘，公子相從獨味長。
醉死糟丘終不悔，看來端的是無腸。

以蓴葑法魚糟蟹寄蕪子瞻 秦觀

鮮鮓經年漬醅醪團臍紫蟹脂填腹後春蓴茁滑於
酥先社薑芽勝肥肉鳧卵纍纍何足道飢餒盤餐亦
時欲淮南風俗事瓶罌方法相傳爲旨蓄魚鱸蜃醢
薦邊豆山簌溪毛列蒙錄輒送行庖當擊鮮澤居備
禮無麋鹿

糟蟹 楊廷秀

橫行湖海浪生花糟泊招邀到酒家酥片滿螯凝作
玉金穰鎔腹未成沙

以糟蟹洞庭甘送丁端叔端叔有詩因和其韻

斗州只解寄鵝毛，鼎肉何曾饋百牢。
驅使木奴供露，頰催科郭索獻霜螯。
鄉封萬戶只名醉，天作一丘都是糟。
却被新詩太清絕，喚將雪虐更風饕。

次韻楊宰食蟹

陳造

長翁服食僧樣清，灌園得閑收落英。
壯歲頗營口腹事，岡有且罍梁有罍。
大哉每快屠門嚼美酒，慣陪豪士傾酒邊。
最愛無長叟坐隅，未揖先風生揮斥。
肴品進此叟似去，儉荒遊上京。
王謝家兒負販子，氣味不待口舌爭。
年年屬饜不汝厭，勇向上黨人夸矜。
一從多病戒奇嗜，屏絕鱗介踈薑棖。
水中之怒寧阿系丈。

室高臥幾淨名二年閑殺把螯手久要藥裹薰爐并
旱後籃筐薦蜚越君乃下筯收所憎銘盤久斷舊嗜
好垂涎忽誦新歌行射陽浦口霜耿耿繁梁埭頭霧
冥冥及今團尖日供百莫孤君家竹葉清射陽景出
入城故云予嘗傳無長叟無長
無物也今秋此物艱得而小

禱雨蟹泉 劉屏山

髣髴小雙螯控御蛟龍隨名居列曜尊箕畢可指撝
顧非郭索倫嘗辱左手持

飲中 戴復古

布衣不換錦官袍刺骨清寒氣自豪腹有別腸能貯

酒天生左手慣持螯蠅隨驥尾宜千里鶴在鷄羣亦
九臬賢似屈平因獨醒不禁顛顛賦離騷

舟行卽事

張耒

去去路日遠行行歲向深晚田荒更澗秋野曉多陰
岸蓼飛寒蝶汀沙戲水禽迎風蘆顛葉眩日棗裝林
早蟹肥堪薦村醪濁可斟不勞頻悵望處處有鳴砧
有蟹無酒

方岳

左手持螯欠酒杯枉烹郭索亦冤哉老饕借爾爲詩
地多病憑誰作睡媒歸釣興隨春浩蕩獨醒人與月
徘徊淵明未必窮於我薄有公田辦秫材

謝人致蟹

樵嵐無蟹有監州，負詩腸過一秋。
莫怪淵明便歸去，得渠自合老菟裘。

又

此去江頭只兩程，寒蒲解縛便橫行。
無腸政要空虛腹，滿貯蘆花與月明。

黃倅饑蟹一，徐尉饑螯蟾。十同時至

誰饒螯如徑尺盤，更分蟹似惠文冠。
麴生醉嚼玉五穀，劒客生剗珠一簞。
我與爾元同蠢動，冤哉烹亦到蹒跚。
不知南食詩何似，待問昌黎老子看。

子集弟寄江蟹 張九成

吾鄉十月間海錯賤如土尤思鹽白蟹滿殼紅初吐
薦酒歛空尊侑飯饒如虎別來九年矣食物那可睹
蠻烟瘴雨中滋味更茶苦池魚腥徹骨江魚骨無數
每食輒嘔噦無辭知罪咎新年庚運通此物登盤俎
先以供祖先次以燕賓侶其餘及妻子咀嚼話江浦
骨滓不敢擲念帶煙江雨手足義可量封寄無辭屢

東坡黃州答秦太虛云猪
肉掉鹿如土魚蟹不論錢

紅蟹 丘丹

江南季冬天紅蟹大如鴈湖水龍爲鏡鑑峯氣作煙

中秋碧雲師送蟹

張憲

天風吹綻黃金粟，簷前老弔飛寒玉。客恣不記是中
秋，但覺鄰家酒漿熟。泐田秋霽稻未鎌，葦箔竹斷收
團尖。紅膏溢齒嫩乳滑，肥美簇簇橙絲甜。無腸公子
誇饜饌，兩戟前驅終受縛。齷心晝煖白玉臍，夔牟夜
泣紅銅殼。麴生風度亦可憐，且對霜娥供大嚼。酒後
高歌遶白雲，九峯一夜霜華落。

聞寺簿燕客以醉蟹送並有詩見及次韻

羅願

冠蓋追隨寂寞濱，絕甘寬我未閑身。古來把酒持螯
者，便作風流一世人。

送蟹與兄 元遺山

橫行公子本無腸，憤耐江湖十月霜。若見雁行煩寄語，酒邊遣汝伴橙香。

食蟹 劉吉

稻熟水波老，雙螯已上罾。味尤堪薦酒，香美最宜橙。
殼薄膳脂染，膏腴琥珀凝。情知烹鼎鑊，何似莫橫行。

詠蟹

沈明德

郭索橫行逸氣豪，秋來與味滿江皋。玉缸十斛醱醪酒，不待先生賦老饕。

古鎮道中 王元節

秀拔諸峯鎮海墩
海水氣兩昏昏
鷗飛翠竹白沙
地人宿黃魚紫蟹村

次蘭皋擘蟹

楊公遠

江湖郭索草泥行
不料遭人入鼎烹
勇恃甲戈身莫
衛富藏金玉味還清
持螯細咀仍三詠
把酒高登快
一生鱸膾侯鯖應
退舍筭渠只合伴香橙

題小景

杜本

秋雲滿地夕陽微
黃葉蕭蕭雁正飛
最是江南好天
氣
邨醪初熟蟹螯肥

蟹

楊維禎

颯颯西風秋漸老郭索肥時香晚稻兩螯盛貯白璠
璵半殼微含紅瑪璠憶昔當年蘓子瞻較臍咄咄論
團尖我今大嚼不知數况有醇醪如蜜甜

四友齋叢說揚鐵崖將訪倪雲林值天晚泊舟于滕
氏之門滕乃宋學士元發之後富而禮賢知爲鐵崖
延請至家鐵崖曰有紫蟹醇醪則可主人曰有鐵崖
入門主人設盛饌出二妓侑觴且命妓索詩鐵崖援
筆立成

題蟹二首 劉基

殼鬪犀函手鬪兵沙堤潮落可橫行稻根香軟蘆根
美未覺江山酒興生

擁劍橫行氣象豪
渾疑縑素是波濤
能令吻角流饒沫
莫向窓前咤老饕

賦得蟹送人之官

高啓

吐沫亂珠流無腸
豈識愁香宜橙實
晚肥過稻花秋出
斲來深浦隨燈聚
遠洲郡齋初退食
可怕有監州

謝錢孔周送蟹

文徵明

窮陰欲雪天瀰瀰
塞向僵眠對書几
故人知我有高懷
緘書爲致佳公子
淞江水涸稻畔空
掃簾竭澤那求此
吾生於此頗關情
况對一尊清更旨
老妻怪笑異常情
我是適情君弗止
輪囷荦确類高人
對此若

醒真俗矣霜螯歷落久垂涎紫滷淋漓先染指誅求
既已極脂膏搜剔還應窮爪跪莫言支解本無罪正
坐尊前風味美淮陰慷慨以功烹傳奕風流緣酒死
一笑題詩謝主人坐上江山已千里

陳以可餉蟹書至而蟹不達戲謝此詩

遠勞郭索到茆堂只把空緘字亦香湖上人家新起
簾霜高時節正輸苾勸餐慚愧雙螯雪對酒垂涎塞
殼黃應是吾儂近來俗故教風味屬鄰壖

明日見家兄乃知誤送其家且笑云若非誤送
安得此詩因用此意再賦長句

元龍絨蟹餉詩人蟹竟不來情則厚却憐公子本無
腸也解先生賦烏有一笑題詩報主人此物還當落
誰口吾家長公真善謔徑取霜螯點新酒自云此物
有佳處但喫何須問誰某豈知隔屋有嚙夫竟負持
螯夜來手明朝相見各大笑口腹有緣真不偶安知
造物非有意故向吾儂發詩醜寄謝元龍好自慰誤
送誤留無足咎若教送到只尋常還有新篇贈君否

題蟹

徐渭

雖云似蟹不甚似若云非蟹却亦非無意教君費裝
裹君自裝裹又付題世間美好人奪目畧涉小醜推

向誰此軸難云都不醜知者賞之不容口塗時有神
蹲在手黑色騰烟逸從酒無腸公子渾欲走沙外漁
翁杓楊柳

蟹

紅綠楪文窠薑橙檮末高雙燉交雪挺百品失風騷
餽喜朝爭殼颺聞夜泣糟大蘓無缺事只怪佞江瑤
蘓傳江瑤柱
乃不傳蟹

二

水族良多美惟儂美獨優若教無此物寧使有監州
辟兕秦關夜輸魁海稻秋河豚直一死只好作蒼頭

三

吳興饒吻守越國朶頤人風韻誰偏少吹噓爾絕倫
沅江九肋鱉松洑四腮鱗遍試張華醋還誰五色文

四

爾故飽菱芡飢來竊稻粱逃蕭孟嘗走結草杜回亢
蛻許山蟬嫩腥憐海麝香那能親箬笠夜夜伴漁郎

五

織篠挈千籃枯筐養八蚕縛嚴愁廣武霧重死淮南
金紫膏相蝕尖團酒各酣秦人不會識付與兩齊叅
錢王孫餉蟹不減陳君肥傑酒而剝之特旨

飭生用字換霜螯待詔將書易雪糕文待詔却唐王黃金數笏而小
人持一筵糕併是老饕營口腹省教半李奪螭螭百
索字內之年生死鷓鴣杓一殼玄黃玳瑁膏不有相如能餉此
止持藟脯下村醪

某子舊以大蟹十箇來索畫久之答墨蟹一臍
松根醉眠道士一幅

十臍縛蘆犬如箕送與酒人可百卮答一墨臍苦無
詩欲拈俗話恐傷時西施秋水盼南威樊噲十萬句
奴師陸羽茶欽三五枝篇末三句是隱語看汝橫行到幾時也

魚蟹

夜窓賓主話秋浦蟹魚肥配飲無錢買思將畫換歸

魚蝦螺蟹

魚蝦螺蟹藻萍鮮一榼新醪一柳穿不是老饕貪嚼
甚臂枯難舉筆如椽

題畫蟹

誰將畫蟹托題詩正是秋深稻熟時飽却黃雲歸穴
去付君甲冑欲何爲

雜品

魚蟹瓜蔬笋豆香溪藤一斗小方方校量總是寒風
味除却江南無此鄉

又蟹二首

北產更恢肥如盤尺五圍鴻門撞有盾蛇穴閉無扉
蟹借穴于蛇蟪饌來蹲紫玉徹去耳青衣個物休輕食桃花
結子時婦娠忌食也

二

高陽詩酒輦購爾賞懸城蜀多山遠江者絕無水產月黑奔江海
霜肥避鼎鐺滌寒犢鼻短爐熱鳳琴鳴想見臨邛婦
蹲鴟醉長卿

陳伯子守經致巨蟹三十繼以漿鱸

喜有賢人敬長心老饕長得飫烹飪陳遵甕減封泥

液董卓臍高塞塢金燈火每占花黯黯人琴俱澁雨
沉沉細鱗紫甲宜觴物酒乏詩窮更漏深二兒北游
久滯每占

燈花又連
句淫雨

題畫蟹

稻熟江村蟹正肥雙螯如戟挺青泥若教紙上翻身
看應見團團董卓臍

憶蟹 袁宏道

鄂州爲客處紫鱗最堪憐朱邸爭先買青樓不計錢
昔年桐乳下今日菊花前只尺晴川水無由見爾鮮

戲贈長鄉 田藝蘅

名旣侔猶彭越字復相如長卿黃中文章膏馥介然
甲冑戈兵茂陵壚頭風味梁楚江上威聲伴余橙酒
潦倒免雨草泥橫行

爲翟駕部賦 焦竑

丹楓幾樹隱漁磯節近重陽鱗半肥一臥斜川知歲
久陶潛曾是黑頭歸

茅簷小詠 魏大中

家居黃葉市譜出好庭除
裕冷憐霜月厨清斷蟹魚
圖書天技癢影謎我頑
疎彷彿簞瓢意殊慚未讀書

捕蟹辭 屈大均

捕蟹三沙與四沙秋來樂事在漁家隨潮上下菱塘
海艇子歸時月欲斜

又

紫蟹迎潮復送潮紛紛銜穗上蘭橈蟹黃映月秋逾
美亂擲金錢向市橋

又

匡螯初蛻及秋肥母蟹膏多肉蟹稀飽食沙田霜降
稻潮乾拾得滿船歸

又

虎門潮水接牂牁春淡秋鹹蟹總多水肉金膏隨月

滿精華更奈稻花何

食白蟊

正月蟊螟出雌雄總有膏絕甘全在殼雖小亦持螯
捕取從沙坦傾將入酒糟野夫貪價賤日夕不醇醪

蟹

今年鹹上早膏蟹滿江波價比魚蝦賤餐如口腹何
方肥頻作蛻未熟已銜禾螯跪分兒女無令暴棄多
又

蟹逐鹹頭上漁人網下稀未銜禾穗罷又食稻孫肥
買去菱塘海烹來荔子磯就中膏滿者持半奉慈闈

又

鳳尾多魚醢，烝雛並上盤。
閩人餒夕膳，稚子佐朝餐。
多食宜鮮羽，春煎貴玉蘭。
螾黃隨月滿，下酒有餘歡。

沉香蟹子

螾奴何太小，瑣瑁腹中來。
乃是沉香作，天然六跪開。
持爲兒女佩，市自海南迴。
贈我瓊瑤似，芬芳此一枚。

鄭儋州所貽

又

小小招潮物，雕成得水沉。
爲憐香膽細，常有香膽。

持入綉囊深，化石寧無命。
銜禾亦有心，紅螺多腹汝。

會向萬州尋

萬州紅螺腹中亦有小蟹

又

活結瓊南出雕鏤小似錢月姑爲性命

潮州人名藥瑁日月姑

石蠓讓貞堅膏似玄黃溢香含蘭桂鮮繫將統扇上
容易美人憐

又

觸手香成物儋州匠最名螯憐雙劍小筐愛五銖輕
紫潤含霜薄紅肥映月明閒中時把玩水族一關情

又

介族珍惟女無嫌小異常秋深猶未蛻月滿正多黃

血結疑非木，斑多識是香。番沉雖有此，不及海南良。

又

忽似真螃蟹，能乘旦暮潮。爲奴依海月，餉客比江瑶。
精液長如濕芬馨，久不消微微沾手汗，更見異香飄。

食黃甲戲作

吳之振

嚮來食蟹嗜團臍

放翁詩團臍磊落吳江蟹

紅泥滿腹瑩玻璃，輪

困郭索堆几案，招呼兒女無留稽。雖居澤國頗難致，

那得殘炙波僮俛。澎湖所產頗圓小，鮮嫩不令淮蟹

躋田腔築根

水落枯萍黏蟹根

亦網得筐筥，每愧谿翁齋未

能大嚼。懷耿耿，徒役饑口飽，鹽齋令行舟次，殊厭飫。

月入金卷之六
二
會盤寧復數樹雞一雙黃甲更俊偉滿貯醪醪 螯張
目突不受剗始知渠定作鼻祖彭越細碎曾立齊潑
墨爲圖蟹族譜憲章食物常提携

憶蟹

晴川

讀罷漢書頻索酒看窮離卦想持螯劉孝儀與宋豐
侯書云倦持蟹
螯亟覆蝦 梳每取 老夫自是憂民食元稹詩民食
食蟹稻蟹 夜夜

潮聲泊岸高潮大則
潮少

誦蟹

黃甲饒嘉譽輪困象不如向人愁吐沫披腹錦腸虛

農問蟹

終歲苦筋力曾不飽半菽嗟彼佳公子三秋稻梁熟

蟹竹管農

農家賣新穀黃金入私籠我唯有主人輸芒如逐鹿

念奴嬌詠蟹次東坡韻

焦竑

新秋雨足喜今年又見水鄉風物憶昔甕頭人不見
一笑猛鷲鄰壁滿殼堆金雙螯鏘玉味勝經霜雪罇
前檢點海鮮君是魁桀還想口內雌黃胸中甲冑
空有雄心發吳越兵戈指顧間眼見橫行俱滅何事
龜蒙區區作志校量爭毫髮世情如夢持杯且問明
月

桂枝香詠蟹

毛際可

將逢重九正稻熟深秋橙香清晝猶憶橫行郭索沙
洲爲偶莫言公子無腸好厭人生幾多機殼夜闌悞
到燈邊緯箔荆筐相守但願監州去久恰杖掛青
蚨樽浮紅友更喜嫩黃初擘動勞纖手尊羹鱸膾皆
有味對西風益懷鄉舊中年自笑持螯已足浮名何
有

晴川齋錄卷之四